

omofvñ tayvres komeñ omat cokv-hayv pahlet omvres, momet mv emvnicv netta hvñkat Cvtoknawv (\$4.00) Osten enfeket omvres; Vhecivlke taranan Ekvñ-warke epakat svrahvkv Corvkkohkav hokkole vlke awolken ohhochkvre Yekcety ocet omvres; mv Corvkkohkav mome vtotke sehoke emofv coko estenfekhonvkepe momet estenhompake vhoerv esenhahakatto herat tat emenfekvres.

6. Maskoke Etlwv, Tvlwv Vlke Nvkaftv vhakv hayat: Cvtoknawa Cokpe Rvkko Cokpe Hokkolen, Maskoke Etlwv entvsekiyvñ ekv feketvñ enfekvranet hieyomat enfiyecihcet licet os.

7. Ohhvtylake vhaka hakat: Cvtoknawv Cokpe Rvkko Cokpe Hokkole ekv feketvñ afehoke em ofv vhoerv esenhakate esohfeketvñ Cvtoknawv Cokpe Rvkko Osten Cokpe-Cahkepen, monkat mv ohfvtyv estomose tetayvr tayen omatew hiyomat fiyecicet licet os, Tvleme aossen.

8. Ohhvtylake vhakv hakat: Ekv feketvñ hahoye emofv vñicvlke vtotkakate este esarahvkvñ Tvlwv Vlke Encvtoknap vfastvt cokv asfvtyceekvñ semossicvres momen mv cokv asfvtyceekvñ Tvlwv Vlke Emmekkon enlomhihocof mv esvrahkvñ cvtoknap escvkvñ semossicet omvtetot Tvlwv Vlke 1895, Nvkaftovñ cokv asfvtyceekv estomosen ohfekvten omat omvkvñ emohkerkoecvres.

9. Ohhvtylake vhakv hakat: Este estomet monkat este estomvket ahte encvtoknawv yecvwpetyvñ omeko witis ocet on omat estont omen naket omecicat sohfvtyceekvñ Cvtoknap vfastvñ enheckoecaken omat, mv este momakate Etlwv Svrahvkv Encoko vtehkvlket cvtoknawv en cvwake tayet omvres, momet cokv vyoposke estensatakete omvres.

10. Ohhvtylake vhakv kakate: Cvtoknap vfastv mocv Tvlwv Vlke Ennvkvftety mahhe Nvkaftovñ hevñ ofv emetetakoce ocakate cvkvvyv vtotketv hahakvteto vtekat omvkvñ sohfacosen emohkerkoecvres.

11. Ohhvtylake vhakv nakate: Cvtoknawv Cokpe Rvkko Cokpe Hokkole ekv feketvñ hayety svrahkv svkerrihohce likat etekvpihocv mv a osse hoporrenkocvtis ocevitat cvtoknawv St. Lovis esawe Este Maskoke Emetvlwv esyice akoehoyat esohfeketvñ eseyvnicet omvren Cvtoknap vfastvñ Yekcety emet enkerkoecet os, momen nak coneovlke emestvcao es tomosen emohfekaken cokv vyoposke emvkhoyvten omat Tvlwv Vlke 1895 Nvkaftovñ emohkerkoecvres.

Kvco Hvsse ent. 1st, 1895, Ohhvkvsvmkv hakete os.

Maskoke Etlwv Tvlwv Vlke Nvkaftv vkerrickv hayat: Cvtoknawv Cokpe Rvkko Cokpe Hokkolat a-osse Cvtoknawv Cokpe Rvkko Epake vhav cvkvvyeko Maskoke Etlwv Encvtoknap-vfastv Turner and Hord, financial agents, kicety sehokate a-enfekvte mv cvtoknawv Cokpe Rvkko Epake makety cvtoknowvtot monkat cvtoknap eshvlvkvtyis Maskoke Etlwv a-ohfolecihocv Maskokoce, C. W. Turner cvtoknawv licat Maskoke Etlwv entvsekiyv ekv feketvñ vwahletv etetakete likete omen.

Ohhvtylake vkerrickv hakate: Cvtoknaphotte St. Louis likate ofv Cvtoknawv Cokpe Rvkko Cokpe Hvñken Cokpe Rvkko Pale Ostvpaken Ostohkake vpikan momet mv Cvtoknawv Cokpe Rvkko Epake Maskoke Etlwv Encvtoknap-vfastv cvtoknawvtot monkat cvtoknap eshvlvkvtyv afolecicate Maskokoce C. W. Turner lican etohkvkat omvkat Cvtoknawv Cokpe Rvkko Cokpe Hokkolat oricete Maskoke Etlwv entvsekiyv ekv-feketvñ vwahletv etetakete ont os.

Kvco Hvsse ent. 3, 1895, Ohhvkvsvmkv hakete os.

Maskoke Etlwv Tvlwv Vlke Nvkaftv Vkerrihvñ hayat: Este momvkvñ-herake totcene kvmeten setemon-talet Tvlwv Vlke Nvkaftatete hayekvs, mv emvtotketvtyat Tvlwv vlk en

cvtoknap-escvkvv sossicvkte sasat omvlkvv vpohet mont cawet vhericet ohvketecet eskerkocet, emvhvkvtkv, momet enrahkvv estomoset omet mont nake esvrahkvv ossicvktet omat eskerken, momet cvtoknap escvkvv estomen empvlse ossicet monkat ossihocekaten omatew vketecet, momen cvtonap escvkvv estomen ohvketehcet ohhkvsvmkv hahoyekoto vtekat Cvtoknap-vfastv cvtoknavv sohfekekot omvres. Cvtoknap-'scowkvv estomen ctempvlse oce ossicvkten kvmetet esohvft-ccen omat fekhonnicaqvttot mocv Tvlwv Vlke Nvkaftovm em ohkerkocvkvres.

Ohhvtlake vkerrickv hayat: Mv kvmete sehokat svrahvkvv, vtotke sehoke em ofv-tat Tvlwv Vlke Nvkaftvlke enwiketv netta vrahkvv enfeketv ctpomoset feketv enheckaket omvres, momen ohliketv emohlikvt cokv asfvtekvv emakofv Tvlwv Vlke Emmekkot cvtoknap-escvkvv semossicet omvres.

Tvlwv vlke vhahv hayat: Netta vrahkvv sem ohfekvv hoye tayat semetetayvr-tayen hiyomat enfihocet os.

Kvco Hvse ennetta 5, 1895, Ohhkvsvmkv haket os.

### KVMETTE EOHKERKOECAV.

OKMOLKE, Etlwv, Kvco Hvse 8, 1895.

*Vrakkoecvke Tvlwv Vlke Nvkaftv 'Stehonvntake Kakeekat:*

Cenkvmette palen cenvpohkakeye Etlwv vnvcome Tvlwv Emmekkvke este vlvkvtkv aschocvte ohvkerrice emvhericeyvre epohmeleckvne toyeyat, Etlwv Pale oste kolvpohkakak ohvketehcet emvhericet omes.

Este vlvkvtkv omvl tohkolkat 13,840 omen.

Orvkekot os kome kvmette esossicat emvlvkvtkv 619 os.

Vtotketv epohwakkvte respoyet omet. Heyv eohkerkocvkv

cenwakecet pomeyohkerkocvkvv pomc-enakoehcet porecopec-kvren cempoheyet os.

MOSE 'SMETKV, Ohlik'tv ohlikv.

MELLE MUKENTASE, Cokv hayv.

Kvco Hvse ent. 1895, Ohhkvsvmkv haket os.

### ETVLWV SVRAHRVKV ENWIKETV NVCOMAKEN ASVPVKLECET OMVRANAT.

Este Maskoke Tvlwv Vlke omaha Nvkaftv vhakv hayat: Este Maskoke Etlwv ofv Etlwoce svrahvkvv mocv temrvkvv otaoskoce 1895 omofv ocvranat Tvlwv Vlke Nvkaftvlke enwiketv hahicat, tvsekiyv ensolke nvcomaket omakat kvmette pale cenvpohkakak este-vlvkvtkv Kvco Hvse ennetta 8, 1895, omofv Tvlwv vlke-em-ohkerkocvte ocate cvkvvyen esohsehoket omvkvren hiyomat kicet emvcahnet os, hiyomvken omvteton—

	Tvsekiyv.	Mek.	Tvstvn.
1—Kvvetv .....	558	I	3
2—Tokepahce .....	793	I	4
3—Kvschtv .....	441	I	3
4—Yotce .....	590	I	3
5—Tas ke ke .....	421	I	3
6—Re kac kv .....	349	I	2
7—Vcenv Hvtce Tvlse .....	380	I	2
8—Oe'okofke .....	240	I	2
9—Keco Pvtake .....	306	I	2
10—Rap Rvkkv .....	309	I	2
11—Ocevp' Ofv .....	343	I	2
12—Yofalv Kvnete .....	244	I	2
13—Kilice .....	219	I	2
14—Noyakv .....	208	I	2
15—Locv Pokv .....	214	I	2
16—Rewahle .....	199	I	I
17—Tvlse Kvnete .....	163	I	I
18—Apehkv Oktah-htvce .....	125	I	I

19—Vsse-lan-vppe.....	114	I	I
20—Rvro Kvlkv.....	163	I	I
21—Ceyahv.....	165	I	I
22—Hecete.....	196	I	I
23—Pvkvn-tvllvhasse.....	105	I	I
24—Helvpe.....	105	I	I
25—Atvsse.....	145	I	I
26—Vlepamv.....	166	I	I
27—Oe'ki' Rvkkko.....	188	I	I
28—Yofalv Hvtce Sofke.....	137	I	I
29—Kowassate, No. 1.....	76	I	I
30—Kowassate, No. 2.....	46	I	I
31—Tokpafkv.....	83	I	I
32—Apehkoce.....	98	I	I
33—Tvlwv Rvkkko.....	164	I	I
34—Vkfvske Kvnete.....	116	I	I
35—Kvncate.....	189	I	I
36—Oe' Wohkv.....	87	I	I
37—Okciye.....	183	I	I
38—Tvl-vhassoce.....	58	I	I
39—Vkfvske Hvtce Sofke.....	85	I	I
40—Hvtce Cvppv.....	187	I	I
41—Tvlmocsse.....	94	I	I
42—Apehkv Hutce Sofke.....	127	I	I
43—Osoce.....	75	I	I
44—Tvlvteke.....	139	I	I
45—Akensa Lvslatv.....	1934	I	10
46—Kvnete Lvslatv.....	1440	I	8
47—Oktah' Hvtce Lvslatv.....	1029	I	6

—mocv hvtvm este vhnkvtkvn hahoyen omof momvr tayet ocen omat eremvrahket omvres arahrvkv.

Kvco Hvse 8, 1895, Ohhvkvsvmkv haket os.

Este Maskokv Tvlwv Vlke Nvkafte vhakv hayat: Heyv vhakv eshoyanat vteke eryopv ayat vhakv kacvlke vrahkv colvlke momet akerrvlke Kvntvckv Enfvteckv vfollat vkerkv vrahka enfeketv a-enkvcket vyetv estvmi-vlkis vkerkv hvmkat hoporrenkv cahkepet haket os.

Ohhvtvlake vhakv hakat vhaka temvpoketot monkat vhakv

vpvlwosetis heyv vhakvn vnrpet sasen omat hiyomat omvlkv kvcekepet os.

Otvoskv Rvkkko 15, 1895, Ohhvkvsvmkv haket os.

### CVTOKNAWV \$400,000 FIYECICAT.

SETENTVCKE 1. Este Maskoke Tvlwv Vlke Nvkafte vhakv hayat: Oklvhomv ekvvn wichoye esheckvte cvtoknawv \$1,800,-000 ervhoske hiyome Este Maskoke Etlwv esvrahkv senkerke Wvcenv encvtoknap-Hotte ofv enlikaten cvtoknawv cokpe rvkkko cokpe osten aossi hocvres—cokpe rvkkko cokpe hvmkan Tvlwv Vvlke emvhoervn esohyvma hkoehcet, cvtoknawv cokpe rvkkko cokpe totcenan Este Maskoke Etlwv entvsekiyv ekvfeketvn vwahholvres.

SET. 2. Ohhvtvlake vhakv hakat, hiyome Tvlwv Vlke Emmekko vrahkv vtotke likatet Este Maskoke Etlwv vrahvn cvtoknawv cokpe rvkkko cokpe osten heyv enhomv setentvcke hvmkate ofv cvtoknawv kerke vrvhece ocat a-ossen Wvcenv Enwiketv momvkvv tayatet Este Maskoke Etlwv Encvtoknap Vfastvn a-enfckvren, mv este enwiketv momakat makatet vpohkv enheckv estomen emvye estomen eyacet on omat mv vcvkyen vpohkv enhayvren hiyomat Yekcetv emet momet ohhecicet os.

SET. 3. Ohhvtvlake vhakv hakat: Mocv Wvcenv Tvlwv Vlke Nvkftvranat, Tvlwv Vlke Entvckesvlke Pometvlwv vrahkv Wasentv Etlwv ofv sehokvrane yekcetv ohvkvike sehokkat, (emvtotketv rem-e-tvkv ocakat) vlvcen Este Maskoke Etlwv vrahkv cvtoknawv enheckoecvlke enwiketvn Yekcetv emet Wvcenv Enrvkrav a-enkvpvken cvtoknawv cokpe rvkkko cokpe osten Este Maskoke Etlwv enheckoecvkvren ohhecicet os, mv mome vtotkakak enfeketv ra-ohhvpvke feketv enheckv-

kekares, momet heyv vtoketv vtotkakof tat Este Maskoke entvleme a-osse senfeketv setenfvtee emvnicv pvlvkekares.

SET. 4. Ohhvtvlake vhakv hakat: Ahakv omvlke tot monkat vhakv vpvwoseto estomis heyv vhakv emvheckv emeteta-koecvkvte ocaken vnrpoeckvket sasen omat hiyomat enyekce sekot haket os.

Ehole ent. 21, 1895.

Este Maskoke Tvlwv Vlke Nvkafte vhakv hayat: Kvntvckv Ohhvketeckvlke enwiketv haye Otvoskv Rvkko ennetta 30 ohrolope 1894 omof ohhvkvsvmkv hakvte vhakv eslikat semvhericat: Setentvcke 4 ofv cvpofv ohhvtotkvkke maket oponvkv svlicehceet, momet hvse vrahkv kvnsatkv hokkolen ohfeket omvres make remeyoksice oponvkv ocan vslehceet vyoposken.

Vtotkocvkke, cvpof palvlke, monkat cvpofv ohhvtotkvkke, monkat esnesvlke pvlhoye sasat, monkat Ohrolope vrahkv eohfeke esnesvlke essvpvklakate vtotkalke remetvkv pvle svsecakat omakat hvse vrahkv kvnsatkv (50) hokkolen, momet koko hayvlke totke hotte hayvlke omakat hvse vrahkv (\$1.00) cvtoknawv hvnken e-ohfekaket omvres maken hayat os.

Ehole 26, 1895, Ohhvkvsvmkv hakel os.

Este Maskoke Tvlwv Vlke Nvkafte vhakv hayat: Este estomet monkat este estomvket sokhv hvte elecckvten ckv entvcken monkat sokhv mv momate emvkerkv emvhopvnetv esvrahkv ehvcko emvyvmahket esaresasen monkat esfollesasen eshechoyet on omat; monkat este estomet wakv emvpeswvn hate elehocet os komhoye taye enheckvn esaren este estomet eshecet omet ohhvketeckvtn komet empoheet omaten mv wakv hvrvpe ohhvketehocvre svrahkv astenheckoeckot monkat astenhechoecetvn eyacekon omat—mv este momat monkat mv este

momakat vhahv kacvt monkat vhakv kacvkket hvlvtket omvres horkopkv esvrahkv—momen ohfatcet on omat horkopv vhakv svfvstetv emetetakoeckvkte ocat etvwvn esfvshotet omvres.

Ohhvtvlake vhakv hakat: Este estomet este etv estomen sokhv hvnkoeset monkat sokhv vnvcometis monkat wakv emvpeswv etemvpoketot monkot wakv vpeswv vpvwosetis heyv enhomv setentvcke hvnke ocat ofv estome makate omen esaret monkat esfollesasen eshecet on omat, mv estet Corvkkohkakov emvvolice likan mv nake mohmeto ocat hvnmkocvn enkerkoecet omvres, momis hvnmkocvn Corvkkohkakovn heceko tayen omat, mv estetat emvnicv este hvnkosen monkat este ensolke estomomosat tetayen vmvnice taves emet komen omat emvnicv ohhohiket hvnmkocvn mv sokhvtot monkot wakvtatew ohhvketeckv hayvre emvtotketvt, omvres momen mv mome ohhvketehocaten esohfvteeckv taye asfvteeckv oricet hecket on omat—mv estet mv naorketv haketo ocate kvntvckv ofv Vhakv' mvnkvvn mv naorhokan enkerkoecet omvres.

Momen ohhvtvlake vhakv hakat heyv onvpv vhakvn kvcesasen senfvteehocet omaten mv sokhvtot monkot wakvtatew epocasat kerkekot on omat Fvtcecvt mv sokhvtot monkot wakvtatew enrahkv hahyet mv enrahkv hayatet mv este ohfvcieye hoeran feyhceet mv ohfvteehocofv akerrvlke ohfvteece sehokaten mv enrahkv momat ohrvkpvrvren Corvkkohkakovn Fvtcecvt ohtotet omvres.

Ehole ennetta 26, 1895, Ohvkvsvmkv haket os.

#### SVLVFKE AENSEHOKV SEMVHERICAT.

Este Maskoke Tvlwv Vlke Nvkafte vhakv hayat: Este Maskoke emvhakv ohrolope 1894 omof svnoricvkvte cokv etorofv emvhvkvtkv 45 setentvcke emvhvnhvtkv 140 ofv oponvkv

eslikat semvhericat "netta pale hokkolat aemofv" make ocan ossihcet "netta cahkepat aemofvn" maken vyoposke hayet os.

Ehole ennetta 29, 1895, Ohhvkvsvmkv haket os.

Este Maskoke Tvlwv Vlke Nvkafta Vkerrickv hayat: Hopoetake hvte heckvkeko emonken enhocefhokvn este vhnkvtkvn ohhvpvyvkhoyvte ont omekv, Etlwlv mvrahrkv Encokovtehkvket este-hocefhokv mv momakaten este-vhnkvtkv svrahrkvvn esossicvres.

Ehole ennetta 30, 1895, Ohhvkvsvmkv haket os.

Este Maskoke Tvlwv Vlke Nvkafta vhakv hayat: Lekv Pimvn enwiketv esvfehhonihohcofv enyopv-monkat Kvco Hvse 1895 vteke vteciat cvtonap escvkvv sossicvte vtekat omvlkv enhvperkv omet estomeckv tokot omvres momen Cvto knap vfastvtat heyv onpv cvto knap escvkvv hocafate omakat estomis ohfekekaren ohhecicet enkerkoecet os.

Rvfo Rvkko 4, 1895, Ohhvkvsvmet os.

Tvlwv Vlke Nvkaftat coko metenrv-en Kvmette Vkerrickv hayat: Kvco Hvse ennetta 8 momet Otvoskoce ennetta 24, 1895, emetoh-hetenrvwv hopoetake heckakvte vtekat momen este vhnkvtkv espoke lahoyvte omofv svhnkvteko wihokvte tvsekiyv sasat vtekat hiyome ekv feketv hakvte ocaten estvrvket enheckvkepvren hiyomat hayet os.

Rvffo Rokko ennetta 4, 1895, Ohhvkvsvmet os.

Este Maskoke Tvlwv Vlke Nvkafta Vkerrickv hayat: Tvlwv Vlke Encvto knap vfastvn enkerkoecet ohhecicet os cvto knap

escvkvv emvhnkvtkv 8250 vteke vyecice 8291 erorat momet 8291 erohrafke 8316 eroraten ohfekekares, momis estimvt sossicet omet mont estimvn semossicet omhoyvten kerrvke tayen omat mvn kerretv komvres momet Tvlwv vlke Emmekkon enkerkoecvres.

Rvfo Rvkko ent. 13, 1895, Ohhvkvsvmkv haket os.

CVTOKNAWV \$400,000 00 WIEYE, VKOEYE, ESIENWIKETV.

Este Maskoke Tvlwv Vlke Nvkafta vhakv hayat: Cvto knawv \$400,000.00 Oklvhomv wihoye feketv heckvte Wvcenv Enrvkrkv enlicate a ossen momet Rvfo Cose enhvtecesko 1896 vteke ohhontv hake vyvranat svpvken eswiyet, estohrakpalet, estenwikvren Wvcenv Tvlwv Vlke Nvkvftatet Este Maskoke Etlwlvn Yekcetvn emvren empohet os, momet mv ecke-mahihe cvto knawv \$400,000.00 makat mv Rvfo Cose ennetta enhvteceskv 1896 makat vteke ayat ohrolope pale hokkolan asenyo-pvklvtkekon vfeket omvret hayet omvren.

Ohhvtvlake vhakv hayat: Heyv vhakv enhvteceskv eslikat esohvceecetv vrahkv Este Maskoke Etlwvt nake momvrtayat estvmvn vteken naken momece tayeto vtekat mv cvto knawv estohrvkpale Este Maskoke Etlwlv estenwikvre vrahkv Tvlekesvlke momecvren yekcetv emet os, momet mv cvto knawv Este Maskoke Etlwlv vrahkv enlihocen hayet omen vpohkvw hayepe taye emetetokocet omvres, momen nake estomen mv Tvlekesvlke heyv yekcetv enheckate cvvkvvc momecakat emenakocet Este Maskoke Etlwlv vrahkv yekcetv ocvket os kometvt os.

Rvfo Rvkko ent. 13, 1895, Ohhvkvsvmkv haket os.

## ETVLWV VYVMAHKV.

Este Maskoke Tvlwv Vlke Nvkafte vhakv hayat: Etenfvtcetv ohrolope 1856 omof hakvte eslike 15 vcvkkvye tokot momet Este Maskoke Etlwv Pvmetkv emvhakv vcvkkvye toko, pon-tvsekiyv toko Este Maskoke Etlwv emofv ohhvpopokat hiyomat omvlkvT Etlwv vyvmahkvT os kometvt haketos—momen Tvlwv vlke Emmekkot, Estecatvke emestvcakot asemvnicen naken estvmvn vteken esevnicvke tayat momecet mv Etlwv vyvmahkvT Este Maskoke Emetvlwv esossicvren yekcetv emet emvcahnet os.

Ohhvtvlake vhakv hakat: Kvntvckv ohhvkete cvlket emekvn-tvckv svrahvkvT este Etenfvtcetv vcvkvyeke momet Este Maskoke Pvmetkv emvhakv ocat vcvkvyeke vpopokat enhocef-hokvn, estvmvn vpopoket mont nanvket emvtotketot omakatew eskerkvken Tvlwv Vlke Emmekkon esohrvkpvkvres.

Ohhvtvlake vhakv hakat: Hiomat cvtoknawv cokpe rvkko (\$3,000.00) totcenen fiyecihcet Tvlwv vlke Emmekkot estomecet celaye tayat momece tayen licet os—momet ohrolope 1896 Otvoskv Rvkko Tvlwv vlke Nvkaftof mv cvtoknawv emvhvkvtkv momat, estomecet naken esohvyvmahkoe cvte eskerkvken enkerkoe cvres—hiomat Tvlwv vlke Emmekkoton omat heyv onpv cvtoknawv emvhvkvtkv okat aossen cvtoknawv cokpe rvkko (\$1,000.00) hvkat senhoyvnekon cvtoknap escvkvvn sossicvren yekcetv emet os mohmen mvn sossice pohyof enyopvmv cvtonawv fiyecicvkvte ervhoske likat heyv vhakv emvheckv esohfvcecetv esvrahkv cvtoknap escvkv mv esossicvke tayet os emet kon omat emvkerrickv vcvkvyen momece tayet omvres.

Rvfo Rvko ont. 18, 1895.